

مدیرى جلال ساھر

اداره خانه

استانبولده نور عثمانیه

جاده سنده ۴۰ نومرولى

«تورك يوردى»

پنجشنبه ۵ حزينان ۱۳۳۰

تورك سوزى

خلفه دوغرو كيتملك ، خلق ايچون چاليشق . . .

هفته ده بر «تورك يوردى» طرفندره يېغارييلير

يىل : ۱ صاىي ۹

يىللىغى

عثمانلى مملكتى ايچين ۱۲ غروش

روسيه و عجمستان ايچين ۲ روبله

باشقا مملكتلر ايچين ۵ فرانك

صاىيسى ۱۰ پارا

نو صاىيده كى يازيلير :

فتح بايرامى ، حمدى * مصاحبه : توركجه ده دائر : عمر سيف الدين * شعر : سنك سىك ، محمد رفعت * برمكتوب ، بكر

صدقى * مىللى حكايه : تورك چوجوغى . عمر سيف الدين * فاتح سلطان محمد خان ، (رسم) * تجارت دنيا سنده توركلر .

رسم (قاريقاتور)

فتح بايرامى مناسبتيله :



استانبولى فتح ايدره ايلكنجى سلطان محمد خانده حضرتلرى



فتح بایرامی

کچن جمعه استانبول درت عصر در گورمه دیگی بر بایرامله
سویندی. بوتون تورکلر، بوتون مسلمانلر فاتح سلطان محمد
خان حضرتلرینک تر به سنه گیتدیله. او بویوک معبدک او گنده
طویلاندیلر.

استانبولده قیلنان ایلك جمعه نمازی خاطره سنی احیا
ایدن ضیا بك اوزون بر نطق اوقودی. بوتون
آجیلریمزی آچدی، زهرلریمزی اورتایه دوکدی.
دوشمانلریمزک: «تورکلرده وطنپرورلک و ملیت دوپغوسی
اولماز» دیدیکلرینی سویله دی.

اوت بوتون دنیا ظن ایدیورکه تورکلر اصللرینی
انکار ایده جکلر. خایر... ایتیه جکلر. ایتیه جکلرینه
جمعه گونکی احتفال جانلی برشاهددر.

اوگون بوتون تورک قلیلری ملیت عشقیله چارپدی.
مسلمانلرله برابر تورکلری سوهن بعضی ارمی لرده
احتفاله اشتراک ایدرک تورکلری حقیقه سودیکلرینی
فعلاً اثبات ایتدیله.

نطق ایراد ایدرلرک ایچنده حمدالله صبحی بگک
سوزلری بوتون اوتورکلک جماعتی هیجاندن تیتهدی.
بو بویوک خطیمیزی تبریک ایدررز.

تورکجه دیلزله، تورکجه شیوه سیله، ائک طبیعی
و مکمل سوز سویله یین یالگیز اودر. سوزلری اوقادار
صمیمی و دوغرو ایدیکه گله جک احتفاله قادار تأثیرلرندن
قورتولامایاجغز.

..*

ایشته آرتق ملت اویاندی. تورکلگی انکار ایدرلر،
تورکلک یوقدر دییه نلر یا گیلدقلرینی آ گلاسینلر...
ملت استانبولی کیملر ضبط ایتدیگنی او گره ندی.
کندی خاقاننک مغنویتته قوشدی. عفو دیله دی.
«گله جک سنه داها آچیق بر آ لینله، داها قوتلی، داها

مقتدر و امیدلی سنک حضورینه گله جکز، ای بویوک
پادشاهمز... دییه آغلادی. مادامکه آرتیق ملتیمز
اویاندی. هر تورلو فلاکتلریمزه نهایت گلدیگنی امید
ایده بیلرز.

استانبولک فتحی ایچون بز بایرام یاپارکن یونانلیلرده
دکانلرینی قاپادیلر، ماتم طوتدیله. ذاتاً بو اونلرک اُسکی
عادتلیدر. گریددن تورک عسکری چیققدن بری. هر سنه
(۲۹) مایسده گریدده کی جامعلره، تکیه لره سیاه توله صاریلش
قوجا برخاچ گوتوروب قورلر و زورله گرید تورکلرینی
ماتم طومتغه مجبور ایدرلرکه بو اونلرک کینته بر مثالدر.
اونلر استانبولی بزم ضبط ایتدیگمزی اونو تمامشلردی.
فقط بزم ضبط ایتدیگمزی اونو تمشدق. بوسنه خاطرلادق
و احتفال یاپدق.

بز بایرام یاپدق، اونلرینه ماتم طوتدیله. دیمک حالا
بزغالیز. اونلر مغلوب! شیمدن صوگراده مغلوب اولماغه
چالیشمالیز. بو بویوک آرزوی بزه ملی احتفاللریمز،
بویوک پادشاهلریمزک تر به لری، جامعلری ویریر.
دائماً بو بویوک و عالی کعبه لری زیارت ایدلم؛ و بر آن
تورک اولدیغمیزی و بوتون دنیانک بزه غرضی اولدیغنی
اونو تمایلم.

صمدی

مصاحبه

تورکجه یه دائر

دیوانلری، یگی اُسکی مجموعه لری قاریشیدیر یگیز.
اُک بویوک شاعرلریمزک بیله یازیلرنده بر چوق خطا
بولاجقسکز.

کندی لساتی بیلمه مک، کندی لساتی یا گلیش
سویله مک...

بو حادثه دنیانک نره سنده گورولمشدر؟ زولولر،
آفریقانک وحشی قیللری بیله کندی آنا لسانلرینی
یا گلیشسز سویله لر.